



REPUBLIKA E SHQIPËRIË  
BASHKIA HIMARË  
DREJTORIA JURIDIKE

Nr. 3285/prot.  
12

Himarë, më 18.06. 2024

PROJEKT-VENDIM  
Nr. 17, Datë 18.06/2024

**“PËR MIRATIMIN E PLANIT TË VEPRIMIT DHE HARTAVE STRATEGJIKE  
PËR REDUKTIMIN E ZHURMAVE NË BASHKINË E HIMARËS”**

Bazuar në Ligjin Nr.139/2015, datë 19.12.2015 “Për vetëqeverisjen vendore”, *i ndryshuar*, neni 8, pika 2 , neni 9.1, pika 1. edhe 1.b, neni 23, pika 14 , në Ligjin Nr.93/2015 “Për turizmin”, në Ligjin Nr. 9774, datë 12.07.2007 “Për vlerësimin dhe administrimin e zhurmës në mjedis” *i ndryshuar*, në Udhëzimin Nr.2 datë 15.11.2023 “Për nivelin kufi të zhurmës për një mjedis të dhënë dhe për fushën e veprimtarive ekonomike shoqërore” neni 8 si edhe në propozimet e subjekteve të ndryshme që operojnë në fushën e hotelerisë dhe turizmit:  
Këshilli i Bashkisë Himarë në mbledhjen e datës \_\_\_/\_\_\_/2024

**VENDOSI:**

1. Miratimin e Plan-Veprimit dhe Hartave Strategjike për reduktimin e zhurmave në Bashkinë e Himarës.
2. Për zbatimin e këtij Vendimi ngarkohet Kryetari dhe Administrata e Bashkisë Himarë.

Ky Vendim hyn në fuqi menjëherë, bazuar në Ligjin nr. 139/2015 " Për Vetëqeverisjen Vendore", neni 55 pika 6.

**KRYETARI**

Arqilea Bollano







REPUBLIKA E SHQIPËRISË  
BASHKIA HIMARË  
DREJTORIA JURIDIKE

Nr. 3285/12 prot.

Himarë, më 18.06. 2024

RELACION:

**MBI PROJEKT VENDIMIN "PËR MIRATIMIN E PLANIT TË VEPRIMIT DHE HARTAVE STRATEGJIKE PËR REDUKTIMIN E ZHURMAVE NË BASHKINË E HIMARËS"**

Të nderuar Këshilltarë!

Projekt-Vendimi që po ju paraqesim për miratim lind si domosdoshmëri e përmbushjes të detyrimeve ligjore të qeverisjes vendore për mbrojtjen e mjedisit dhe shëndetit publik. Në këto kushte, Bashkia Himarë ka inicuar hartimin e Planit Lokal të Veprimit mbi Zhurmat (PLVZH) në territorin e saj.

Zonat bregdetare janë zonat më të ekspozuara ndaj zhurmave kryesisht përgjatë sezonit turistik. Ndër zonat bregdetare më të preferuara përgjatë sezonit turistik janë ato përgjatë Bashkisë Himarë. Disa nga problematikat kryesore që lidhen me ndotjen akustike në territorin e Bashkisë janë: mungesa e planeve vendore të veprimit mbi zhurmën, mungesa e monitorimit të vazhdueshëm të niveleve të zhurmave dhe e kontroleve të ushtruara mbi veprimtaritë që gjenerojnë zhurma si dhe mungesa e transparencës nga institucionet përgjegjëse mbi nivelet e zhurmave.

Duke marrë në konsideratë gjendjen dhe problematikën e ndotjes nga zhurmat, komunitetet përgjatë këtyre zonave janë të pa informuar mbi rolin që ka pushteti vendor në administrimin dhe reduktimin e zhurmave.

Plani i veprimit për zhurmat ka për qëllim të identifikojë, evitojë, parandalojë dhe zbusë efektet e dëmshme që vijnë për shkak të ekspozimit ndaj zhurmave përgjatë zonës bregdetare në qytetin e Himarës. Nëpërmjet planit paraprak të veprimit synohet të realizohet një analizë e situatës aktuale në lidhje me nivelet dhe burimet kryesore të zhurmave në 32 stacione monitorimi në Bashkinë e Himarës.

Gjithashtu ky plan veprimi analizon dhe parashikon masa ligjore, administrative dhe organizative të domosdoshme për t'u ndërmarrë në përmbushje të kërkesave të ligjit për vlerësimin dhe administrimin e zhurmës në mjedis, me synimin e administrimit të qëndrueshëm dhe reduktimit të nivelit të zhurmave në mjedis.

Në këtë kontekst, objektivi kryesor i Planit Lokal të Veprimit mbi Zhurmat është menaxhimi i qëndrueshëm i zhurmës me qëllim respektimin e niveleve të lejuara dhe mbrojtjen e shëndetit të njerëzve.

**Objektivat e PLVZHBV**



Ndër objektivat kryesore të Planit Lokal të Veprimit mbi Zhurmat përfshihen:

- Fuqizimi institucional i Bashkisë Himarë për menaxhimin e zhurmave.
- Përmirësimi i infrastrukturës në bashkëpunim me subjektet që operojnë në territorin e Bashkisë Himarë për reduktimin e zhurmave.
- Zbatimi i ligjit dhe akteve nënligjore për masat dhe kontrollin e zhurmës.
- Zbatimi i kuadrit ligjor të përcaktuar në ligjin Nr.93/2015 “Për turizmin”, në Ligjin Nr. 9774, datë 12.07.2007 “Për vlerësimin dhe administrimin e zhurmës në mjedis” i ndryshuar, në Udhëzimin Nr.2 datë 15.11.2023 “Për nivelin kufi të zhurmës për një mjedis të dhënë dhe për fushën e veprimtarive ekonomike shoqërore” për miratimin e lejeve për zgjatjen e orarit të zhurmave.
- Harmonizimi i kuadrit ligjor për nivelin e zhurmave me zhvillimin e aktiviteteve me karakter kulturor, argëtues gjatë vitit dhe sidomos gjatë sezonit turistik.
- Monitorimi i niveleve të zhurmave në 32 stacione monitorimi në Bashkinë e Himarës.
- Ndërgjegjësimi dhe sensibilizimi i operatorëve që gjenerojnë zhurma për pasojat e saj në mjedis dhe shëndet dhe masat që duhet të zbatohen për kontrollin dhe menaxhimin e saj.

Bashkëlidhur këtij projekt vendimi është plani i veprimit dhe hartave strategjike për reduktimin e zhurmave i cili është përgatitur në mënyrë të detajuar nga një grup specialistësh të Bashkisë së Himarës dhe ekspertë të miratuar nga Ministria Përgjegjëse dhe paraqet në mënyrë të detajuar strategjinë për reduktimin e zhurmave.

**KRYETAR**  
Arqilea Bollano

